



論菩薩應修生忍

「大智度論」集粹之十四

智度論

何謂尸羅波羅蜜，菩薩持戒，寧自失身，不毀小戒，是爲尸羅波羅蜜。菩薩護戒，不惜身命，決定不悔。菩薩持戒，爲佛道故，作大要誓：必渡衆生，不求今世、後世之樂，不爲名聞稱譽法故，亦不自爲早求涅槃，但爲衆生沒在長流，恩愛所欺，愚惑所誤，我當渡之，令到彼岸。一心持戒，爲生善處，生善處故見善人，見善人故生善智。生善智故得行六波羅蜜，行六波羅蜜故得佛道。如是持戒，名爲尸羅波羅蜜。復次，菩薩持戒，心樂善清淨，不爲畏惡道，亦不爲生天，但求善清淨，以戒熏心，令心樂善，是爲尸羅波羅蜜，菩薩以大悲心持戒，得至佛道，是名尸羅波羅蜜。

菩薩持戒，能生六波羅蜜，是則名爲尸羅波羅蜜。何以持戒能生戒？因五戒得沙彌戒，因沙彌戒得律儀戒，因律儀戒得禪定戒，因禪定戒得無漏戒，是爲戒生戒。何以持戒能生檀？檀有三種：一者、財施。二者、法施。三者、無畏施。持戒自檢，不侵一切衆生財物，是則財施。衆生見者，慕其所行，又爲說法，令其開悟。又自思惟：我當堅持淨戒，與一切衆生作供養福田，令諸衆生得無量福。如是種種，名爲法施。一切衆生皆畏於死，持戒不害，是則無畏施。菩薩自念：我當持戒，以此戒報，爲諸衆生作轉輪聖王，令諸衆生滿足於財，無所乏短，然後坐佛樹下，降伏魔王，破諸魔軍，成無上道，爲諸衆生說清淨法，令無量衆生度老、病、死海。是爲持戒因緣生檀波羅蜜。

持戒何以能生忍辱？持戒之人，心自念言：我今持戒，爲治心故，若持戒無忍，當墮地獄，雖不破戒，以無忍故，不免惡道，何以縱憤不自制心？但以心故入三惡趣，是故應當好自勉強，勤修忍辱。行者欲令戒德堅強，應修忍辱，忍爲大力，能固戒，令不動搖。復自思惟：我今出家，形與俗別，豈可縱心如世人法？宜自勉勵，以忍調心，以身、口忍，心亦得忍，若心不忍，身、口亦爾。是故，行者當令身、口、心忍，絕諸憤恨。戒爲利刀，忍爲持身，若忍心不固，戒亦傷人。忍爲戒杖，扶人至道，福樂因緣不能動搖。如是種種，名爲持戒生羼提波羅蜜。

持戒何以能生精進？持戒之人，除去放逸，自力勤修，習無上法，捨世間樂，入於善道，志求涅槃以度一切。大心不懈，以求佛爲本，是爲持戒能生精進。又者，持戒之人，疲厭世苦，老、病、死患，心生精進，必自求脫，亦以度人。若老至時，猶故自寬，不解殷勤決斷精進，死欲至時，自知無翼。因此，便能自勉，果敢殷勤，大修精進，從死地中得至涅槃。持戒之人，能以精進自制五情，不受五欲，若心已去，能攝令還，是爲於戒能護諸根，護諸根則生禪定，生禪定則生智慧，生智慧得至佛道。是爲持戒能生毗梨耶波羅蜜。

持戒何以能生禪？人有三業作諸善，若身、口業善，意業自然入善。持戒之力，能羸諸結使。若不持戒，瞋恚事來，殺心即生。若欲事至，淫心即成，若持戒者，雖有微瞋，不生殺心，雖有淫念，淫事不成。是以，持戒能令諸結使羸（註：

羸：音雷，瘦弱之意，此處意謂結使心弱。），禪定易得。復次，人心未息，常求實樂，行者持戒，捨棄世福，心不放逸，是故易得禪定。又者，持戒之人，得生人中，次生六欲天上，次至色界，破色相生無色界，持戒清淨，斷諸結使，得阿羅漢道，大心持戒，憐愍眾生，是為菩薩。而戒為檢粗，禪為攝細。戒攝身、口，禪止亂心，破戒之人，結使風強，散亂其心，其心散亂，則禪不可得。持戒之人，煩惱風輕，心不大散，禪定易得。如是等種種因緣，是為持戒能生禪波羅蜜。

持戒何以能生智慧？持戒之人，觀此戒相從何而有，知從眾罪而生。若無眾罪，則亦無戒。戒相如是從因緣有，何故生著？譬如蓮花出自淤泥，色雖鮮好，出處不淨，以是悟心，不令生著，是為持戒能生般若波羅蜜。持戒之人，心自思惟：我以持戒貴而可取，破戒賤而可捨，若有此心，不應般若。以智籌量，心不著戒，無取、無捨，是為持戒生般若波羅蜜。不持戒人，雖有利智，以營世務，種種欲求生業之事，慧根漸鈍。若出家持戒，不營世業，常觀諸法實相無相，先雖鈍根，以漸漸利。如是等種種因緣，名為持戒生般若波羅蜜。

如是等名為尸羅波羅蜜，生六波羅蜜。

菩薩持戒，不以畏故，亦非愚癡，非疑、非戒盜，亦不自為涅槃故持戒，但為一切眾生故，為得佛道故，為得一切佛法故。如是相名尸羅波羅蜜，若菩薩於罪、不罪不可得，名為尸羅波羅蜜。蓋菩薩深入諸法相，行空三昧，慧眼觀故，罪不可得，罪無故，不罪亦不可得，眾生不可得故，殺罪不可得，罪、不罪不可得故，戒亦不可得。何以故？以有殺罪故則有戒，若無殺罪，則亦無戒。

眾生不可得者，是肉眼所見，是為非見，若以慧眼觀，則不得眾生。如上檀中說無施者、無受者，無財物，此亦如是。若有眾生，是五眾耶？離五眾耶？若是五眾，五眾有五，眾生為一，如是者，五不可為一，一不可為五。以是故，知五眾不可得作一眾生。再者，五眾生滅無常相，眾生法，從先世來，至後世，受罪福於三界。若五眾是眾生，譬如草木，自生自滅，如是則無罪

縛，亦無解脫。以是故，知非五眾是眾生。離五眾則我見心不生，若離五眾有眾生，是為隨常，若隨常者，是則無生、無死。何以故？生名先無今有，死名已生便滅，若眾生常者，應徧五道中先已有常，云何今復來生？若不有生，則無有死。無眾生亦無眾生因緣法，無色、聲、香、味、觸、法故，空無我法，離此六事，更無眾生。若無眾生，亦無殺罪，無殺罪故，亦無持戒。若見持戒善人則愛敬，如是持戒，則是起罪因緣，以是故，言於罪、不罪不可得故，應具足尸羅波羅蜜。

佛言：「心不動故，應具足羸提波羅蜜。」羸提即是忍辱。忍辱有二種：生忍、法忍。菩薩行生忍，得無量福德，行法忍，得無量智慧。福德、智慧二事具足故，得如所欲。菩薩若遇惡口罵詈，刀杖所加，思惟知罪、福業因緣諸法，內、外畢竟空。無我、無我所，以三法印，印諸法故（註：三法印：諸行無常、諸法無我、涅槃寂靜），力雖能報，不生惡心，不起惡口業。爾時，心數法生，名為忍。得是忍法故，忍智牢固。善心有二種：有粗、有細。粗名忍辱，細名禪定。未得禪定心樂，能遮眾惡，是名忍辱。心得禪定樂，不為眾惡，是名禪定。是忍，是心數法，與心相應隨心行，非業、非業報，隨業行。

生忍者，若有二眾生來向菩薩，一者恭敬供養，二者瞋罵打害，爾時，菩薩其心不愛敬養眾生，不瞋加惡眾生，是名生忍。結使有兩種，一者屬愛結使，二者屬恚結使。恭敬供養雖不生恚，令心愛著，是名軟賊，是故，於此應當自忍，不著不愛。觀其無常，是結使生處。佛說：「利養瘡深，譬如斷皮至肉，斷肉至骨，斷骨至髓。」人著利養，則破持戒，斷禪定肉，破智慧骨，失微妙善心髓。以是故，言利養瘡深，破皮至髓，當應斷却愛供養人心，是為菩薩忍，心不愛著供養，恭敬人。供養有三種：一者、先世因緣福德故。二者、今世功德，修戒、禪定、智慧故，為人敬養。三者、虛妄欺惑，內無實德，外無清白，以誑時人，而得供養。於此三種供養中，忍伏其心，不着。不憍。心不愛著，亦不自高，是名生忍。

瞋惱人中而行忍辱，當自思惟：一切眾生，有罪因緣，更相

侵害，我今受惱，亦本行因緣，雖非今世所作，是我先世惡報，我今償之，應當甘受，何可逆也。菩薩修行慈心，一切衆生常有衆苦，行者何能復加其苦？菩薩應自念：我不應如諸餘人，常隨生死水流，我當逆流以求盡源，入泥洹道。一切凡人，侵至則瞋，益至則喜，怖處則畏。我爲菩薩，不可如彼，雖未斷結，當自抑制，修行忍辱，惱害不瞋，敬養不喜，衆苦艱難，不應怖畏，當爲衆生興大悲心，菩薩若見衆生來爲惱亂，當自念言：是爲我之親厚，亦是我師，益加親愛，敬心待之，何以故？若彼不加衆之中，佛種甚多，若我瞋意向之，則爲瞋佛，若我瞋佛，則爲已了。諸煩惱中瞋爲最重，不善報中，瞋報最大，餘結無此重罪。諸佛菩薩，以大悲爲本，從悲而出，瞋爲滅悲之毒，特不相宜，若壞悲本，何名菩薩？菩薩從何而出？以是之故，應修忍辱。若衆生加諸瞋惱，當念其功德，今此衆生雖有一罪，更自別有諸妙功德，以其功德故，不應瞋之。有人若打若罵，是爲治我，若我有罪，是從先世因緣，今當償之，不應瞋也，當修忍辱。菩薩慈念衆生，猶如赤子，閻浮提人，多諸憂愁，少有歡日，若未罵詈，或加讒賊，心得歡樂，此樂難得，恣汝罵之，何以故？我本發心，欲令衆生得歡喜故。

當觀瞋恚，其咎最深，三毒之中，無重此者，九十八使中，此爲最堅，諸心病中，第一難治。瞋恚之人，不知善，不知非善。不觀罪福，不知利害，不自憶念。當墮惡道。不惜名稱，不知他惱，亦不自計身心疲惱，瞋慧眼，專行惱他，以是之故，應當除瞋，修行忍辱。能修忍辱，慈悲易得，得慈悲者則至佛道。菩薩育養一切，愛之如子，若衆生瞋惱菩薩，菩薩愍之，不瞋、不責。菩薩知從久遠已來，因緣和合，假名爲人，無實人法，誰可瞋者？知其如此，不應有瞋。若我瞋者，是則愚癡，自受罪苦。以是之故，應修忍辱。過去無量恆河沙等諸佛，本行菩薩道時，皆先行生忍，然後修行法忍，今求學佛道，當如諸佛法，不應起瞋，以是故，應當忍辱，如是等種種因緣故能忍，是名生忍。

（上接42頁虛雲和尚）

覺慧師太道：「本來也難怪，真潔啊！你就看開些吧，他既然曾經勸你學佛，也是個真有深情的，只好想着，養好了身體，將來修成正果，夫妻好在蓮華會上重圓罷。」

田氏淒然苦笑道：「還有哪種日子嗎？」

譚氏忍淚道：「姊姊你看開罷，必定有的。」

田氏泣道：「我不行了！」

譚氏說：「快休如此，姊姊福壽長着呢！」

田氏嘆息一聲，閉上眼睛，淚水潛潛，臉上表情逐漸麻木。

譚氏慌喊：「姊姊！」摸着鼻息時，田氏已經溘然長逝了。

象尼師大哭一場，草草把田氏葬在庵後山坡。其時正當暮春三月，鶉啼陣陣，荒山孤墳，好不淒涼！

蕭公子古巖和尚却哪裏得知？他此時已經遁入深山，拼命再度苦練苦行，哪知道這一切慘變。

（未完）

中道學會增設

靜坐班 名相班

香港中道學會，爲純粹研究佛學之居士組織，成立迄今，將及廿載，每逢週六，講習經教，從無間斷，去冬自置會所後，該會更積極籌劃，擴展會務，據悉已決定自四月十七日起，以後每逢星期六下午三時至四時，增設「靜坐實習班」，聘請前會長孫家良老居士擔任指導，四時至五時，加開「佛學基本名相研究班」，由沈九成居士兼任講解，原有「佛學座談會」，則改於五時至六時舉行。以上各班，歡迎各界報名參加，不收任何費用。惟以名額有限，額滿即行截止。報名地址：九龍彌敦道碧街口旺角大樓，電梯③B座。電話：三一三二六一一號，報名時間：星期六下午三時至六時。